

全唐文

欽定全唐文卷一百三十三目錄

陳叔達

答王績書


薛收
大唐宗聖觀銘

姜譽
琵琶賦

上秦王書

隋故徵君文中子碣銘

李綱



金定全唐文 卷百三十三
論時事表

諫以舞人安叱奴爲散騎常侍疏

諫太子建成書

姜謩

將赴隴右上高祖奏

蕭瑀

臨終遺子書

李大亮

昭慶令王璠清德頌碑

請停招慰突厥疏

宇文歆

諫齊王元吉書

傅仁均

陳修歷七事表

對王孝通駁歷法議

傅奕

請廢佛法表

請革隋制疏

請除釋教疏

臣等謹將聖恩賜與

僧尼等事奏

伏乞

聖恩賜與僧尼等事

伏乞

聖恩賜與僧尼等事

欽定全唐文卷一百三十三

陳叔達

叔達字子聰陳宣帝第十六子封義陽王歷都官尚書入
隋授絳州通守高祖義師至絳以郡歸款累官侍中封江
國公貞觀中拜禮部尚書九年卒謚曰繆後贈戶部尚書
改謚忠

答王績書

賢弟千牛及家人典琴至頻辱芳翰索下官所撰隋紀雖
承厚眷慙然自失誠恐持郗克之質入邯鄲之墟奏曹鄣

之音歷莖英之肆所以遲迴簡牘伏念旬時輒揆短懷仰
違前命今奉來札誨責逾深旣以驕鄙相訶又以緘滕致
誚欲加之罪其無辭乎正當要使必致耳了不知賢兄芮
城有隋書之作足下旣圖繼就須有考尋謹依高旨繕錄
馳送然僕雖不佞頗聞君子之論矣嘗以謂爲國以禮君
舉必書故左史記言右史記事言者申立德立功之意也
事者敘立德立功之迹也所以明勸沮所以別是非自非
可以關社稷之安危涉天人之興廢古之君子何嘗取諸
褒貶之作有由然也自微言泯絕大義乖墜三代之教亂

於甲兵六經之術滅於煨燼君人者尚空名以夸六合史
官者貴虛飾以佞一時下及馬遷爰逮班固咸有述作庶
幾聖賢其於斟酌典謨表章微絕曾不能觸其藩籬者也
魏晉之際夫何足云中原板蕩史道息矣然國於天地有
與立焉苟能宅鄴裡建社稷河倒師長撫黎元雖復五裂山
河三分躔次規模典式豈徒然哉是賢兄文中子知其若
此也恐後之筆削陷於繁碎宏綱正典暗而不宣乃興元
經以定真統蓋獲麟之事夫何足以知之叔達亡國之餘
幸賴前列有隋之末濫尸貴郡因霑善誘頗識大方至若

梁魏周齊之間耳目耆舊所接風流人物名實可知衣冠
道義謳謠尚在頃者皇建其極君子道亨憑藉時來妄叨
近侍廟堂多暇典墳自娛覽後魏周齊之紀傳考下官之
所聞見曾不喜怒隨意曲直任情敘致浮雜褒貶阿黨迷
時望者以爵祿爲榮談陳國紀者以狙譎爲能事至於密
會王道潛濟生人旣昧於知音咸寢而不記貪敘寫其祖
父冠冕子嗣婚姻以爲譜牒之證耳豈不痛哉風俗之壞
一至於此雖人倫王化備列元經而恢談碩議或不可捨
是以薛記室及賢兄芮城常悲魏周之史各著春秋近更

研覽真良史焉古人云過高唐者學王豹之謳遊睢渙者
學藻繪之功竊惟隋氏之王三十六年成敗否泰目所親
覩誠懼後之作者復習向時之弊焉故聊因掌壺之暇著
隋紀二十卷騁辭流離則媿於心矣書事簡要則嘗有志
焉孔子曰我欲載之空言不如附之於行事儻近是乎謹
恃疇眷以塵清覽當積兼金以購黠竄耳又恐足下紀傳
之作須備異聞今更附王胄大業起居注往

大唐宗聖觀銘

眇矣靈化元哉妙門飛形九府鍊氣三元黃庭秘籙金格

微言玉京留記金竈還魂揚塵東海問道西崑物色函關
抒容清廟建標伊始層壇雲峭綺井虹伸風窗電笑元都
正律帝臺仙召挹髓捫星餐霞引照豁虛罔象無名至要
高廂久縣清泉餘療宅心勝侶游息衆妙絕壁翠微深流
丹竅鞠草如結周原甚奧聖道將宏重光顯曜明明我后
積德累功陶埏寓縣叱咤雷風庸稽太室禮盛艷宮時乘
正位道配元穹四維載仰百世斯隆有截於外無思自東
祥符浹遠瑞采澄空百神咸秩千齡是崇宗元壯觀詔蹕
康莊雲行輦道吹發山梁飛文協玉接禮神皇五旌回首

六轡齊驤宸儀展敬享福無疆巍然高碣播此遺芳

薛收

收字伯襄蒲東汾陰人隋司隸大夫道衡子道衡爲煬帝
所殺收不仕隋高祖入關授秦府主簿遷金部郎中東都
平授天策府記室參軍封汾陰男以本官兼文學館學士
武德七年卒年三十三貞觀七年贈定州刺史永徽六年
又贈太常卿

琵琶賦

惟茲器之爲宗總羣樂而居妙應清角之高節發號鐘之

雅調處躁靜之中權執疎密之機要遏浮雲而散彩揚白日以亘耀爾其狀也龜腹鳳頸熊據龍旋戴曲履直破觚成圓虛心內受勁質外宣磅礴象地穹崇法天候八風而運動感四氣而鳴絃金華徘徊而月照玉柱的歷以星懸

上秦王書

世充據有東都府庫填積其兵皆是江淮精銳者在於乏食是以爲我所持求戰不可建德頻遣使來拒我師亦當盡彼驍雄斯於奮決若縱其至此兩軍連轉河北之糧以相資給則伊洛之間戰鬪不已今宜分兵守營

深其溝防即世充欲戰慎勿出兵大王親率猛銳先據成
臯之險訓兵坐甲以待其至彼以疲弊之師當我堂堂之
勢一戰必克建德即破世充自下矣不過兩旬二國之君
可面縛麾下若退兵自守計之下也

隋故徵君文中子碣銘

蓋聞運無常寧治窮則亂教不終廢人存則闡故曰天下
有道制作歸乎帝王斯文或墜財成寄乎明哲才之不可
以已其在茲乎周道竭而孔子興隋風喪而夫子出五常
爲之式序三綱爲之無味道沖而用故無德而名功足化

成故匪爵而重於稽其類其生物之匠乎夫子諱通字仲淹姓王氏太原人初高祖晉陽穆公自齊歸魏始家龍門焉若乃門風祖業之舊鴻儒積德之胄事貴家謀名昭國史今可得而略之粵若夫子洪惟命世盡象緯之秀鍾山川之靈爰在孺年素尚天啟亦既從學家聲日茂偉容貌肅風神以孝悌爲心極以人倫爲已任步中規矩響諧音律術無遠而不窮理無微而不詐故夫要道之本中和之節九疇六藝之能事元亨利貞之至美悉備之矣豈惟行爲世範言成士則而已哉十八舉本州秀才射策高第十

九除蜀州司戶辭不就列大業伊始君子道消達人遠觀
潛機獨曉步烟嶺卧雲溪軒冕莫得而干羅網莫得而迨
時年二十二矣以爲卷懷不可以垂訓乃立則以開物顯
言不可以避患故託古以明義懷雅頌以濡足覽繁文而
援手乃續詩書正禮樂修元經讚易象道勝之韻先達所
推虛往之集於斯爲盛淵源所漸著錄踰於三千堂奧所
容達者幾乎七十兩加太學博士一加著作郎夫子絕宦
久矣竟不起矣朝端闕聲節天下聞其風采先君內史屈
父黨之尊楊公僕射忘大臣之貴漢侯三請而不覲尚書